

POLIS TA CAPTURA 3 SOSPECHOSO DI LADRONICIA DI AIRCO GRANDI FOR DI UN CAS BANDA DI ARASHI



Minister Glenbert Croes:
**AUMENTO DI AWA Y CORIENTE LO TA TEMPORAL MIENTRAS
LO SIGUI TRAHA RIBA REDUCCION DI FUEL OIL Y AMPLIACION
DI ENERGIA RENOBABEL**



Minister Rocco Tjon:
**TA FELICITA CUERPO POLICIAL DI
ARUBA CU E TREMENDO RESULTADO DI E
CONTROL PREVENTIVO DEN FIN DI SIMAN
RIBA NOS CARETERANAN**



Minister Geoffrey Wever:

**Cumpra
Local pa
stimula nos
empresanan
local**



**MINISTER ENDY CROES A
REUNI CU SINDICATO SEPPA**



MINISTER ENDY CROES A RICIBI NOS SELECCION NACIONAL GIRLS U15 CU A LOGRA DI DOS LUGA DEN E CAMPEONATO DI CONCACAF U15



ORANJESTAD: Dialuna atardi Minister Endy Croes tabata presente den e VIP Room na aeropuerto internacional Reina Beatrix pa yama bonbini na nos Seleccion Nacional Girls U15. Famia, amigo y conocinan tabata en espera di yegada di nos atletanan.

Sigur tabata reina un ambiente ameno yena cu alegria y emocion. Nos Seleccion Nacional Girls U 15 a logra conquista e titulo di subcampeon den e 2022 CONCACAF Girls Under 15 Championship cu a tuma lugha na Tampa, Florida. E mandatario di Deporte a hiba palabra na e ocasion special aki na unda e la felicita e futbolistanan como tambe e entrenandonan cu a dedica asina hopi pa hiba e ekipo na e gran logro aki.

Minister Endy Croes a sigui bisa cu Aruba tabata den e gara di weganan y a



biba caba un di e momentonan aki cu boso. Pa finalisa e mandatario

a felicita nan den nomber di Minister President sra. Evelyn Wever-Croes como

tambe den nomber di Gobierno y Aruba henter. Nos ta hopi orguyoso di

boso. Masha danki pa laga Aruba su nomber briya internacionalmente.

Cambio den prijs di productonan petrolero 10 di augustus 2022

ORANJESTAD - Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 10 di augustus 2022:



Gasoline unleaded-premium
Diesel LS
Kerosin

: 293,2 cen p/ltr. (- 42,5 cen)
: 278,5 cen p/ltr. (- 34,2 cen)
: 257,7 cen p/ltr. (- 33,4 cen)

E prijsnan ta inclui BBO/BAZV/BAVP

Presidente di Parlamento mr. Edgard Vrolijk: 'Presidente di Parlamento ta informa edicion 2'



Awe mi ta presenta e di dos edicion di 'Presidente di Parlamento ta informa'. Den e di dos edicion aki lo mi enfoca riba automatizacion di entrada, reglanan nobo, codigo di conducta y Reglement van Orde nobo.

Automatisacion di entrada Ora mi a drenta como Presidente mi a haya inversionan haci caba pa por tin entrada automatiza. Pero banda cu debi na falta di boluntad pa tuma decision pa esaki por a cuminsa funciona, a haci cu varios inversion no ta-

bata sirbi mas, entre nan e baterianan. E decision no a bai facil pero na final di dia a haya sosten di un mayoria y esaki a ser concretisa. Awendia e ta un exito y ta planiando pa e siguiente stap cu lo mester bira e oficina di Parlamentarionan.

Reglanan nobo Pa luna di augustus, si tur cos cana bon, lo implementa algun regla nobo cu mas bien ta percura pa ordena con ta atende den parlamento. Hopi di esakinan ta basa riba regla y leynan di otro Paisnan den Reino y tambe a base di consulta cu trahadonan. Un di e cambianan ta cu lo bai ordena e espacio oficial pa prensa y tambe pa bishitantenan. Actualmente ya ta implementando algun regla nobo caba pa ministernan ora nan ta

na parlamento y esakinan ta bayendo sublime.

Codigo di Conducta y Reglement van Orde nobo Banda di esaki mi persona a percura pa un draft di un codigo di conducta a base di un mocion cu a wordo presenta y entrega door di Parlamentario Shailiny Tromp-Lee durante un reunion publico y cu a pasa den Parlamento unanime. Pero awo e ta den man di e 20 Parlamentarionan pa revisa y duna feedback pa complementa esaki of pa presenta un nobo si nan no ta mira nan mes den e draft aki. Tin di bisa cu esaki no tabata un tarea di mi persona pero ta responsabilidad di tur parlamentario pero a yuda den esaki pa asina hunto logra yega na un codigo di conducta.

E Reglement van Orde nobo mi persona a traha riba esaki y a ser comparti cu cada miembro di Parlamento. Esaki ainda tin di ser studia y discuti pero tambe ta mara na con lo independisa parlamento pa wak si esaki ta cuadra cu otro. Pero mucho cambio no ta ser premira, p'asina unabes aproba esaki por cuminsa e proceso di ley prescribi.

Den e siguiente edicion lo mi enfoca riba Regeling Fractieondersteuners y richtlijn fractieondersteuners.

Pa mas informacion por subi riba Parlamento di Aruba su website na www.parlamento.aw of por bishita nos pagina di Facebook: 'Parlamento di Aruba'.

MINISTER ENDY CROES A REUNI CU SINDICATO SEPPA



ORANJESTAD: Durante siman Minister Endy Croes a reuni cu representantenan di SEPPA unda a trata diferente topiconan cu SEPPA a solicita manera e.o. SKOA

werkster, instructornan di landamento, contract di diferente werkster di DPS, algun 'overplaatsing' y casonan andando. Alabes SEPPA tabata contento como cu algun casonan cu

tabata pega pa hopi tempo a haya atencion y a wordo finalisa.

Manera Minister Endy Croes a yega di expresa na varios ocasion su por-

tan semper ta habri, pa scucha y busca solucion concreto na bienestar general di Aruba.

Na final a keda palabra cu lo keda mantene un bon

contacto cu otro pa e desarrollo general.

Tanto SEPPA como tambe Minister Endy Croes por mira atras riba un reunion fructifero.



Polis a bay Alto Vista pa un caso unda un homber ta maltrata su pareha y su yiu



Diadomingo mainta a drenta informe di cu tin un homber ta maltratando su pareha y e yiu na Alto

Vista, mesora a dirigi un patruya na e sitio.

Na yegada di e patruya a

bin nota hopi glas y botter kibra y e mucha tur spanta, polis a purba intermedia den e asunto y a

palabra cu e dama y e yiu lo bay keda otro caminda.

Ademas polis a bisa e

dama cu e por pasa na recherche pa entrega keho di naltrato.

Pa varios dia caba un adicto ambulante ta molestia na e bushalte chikito na Oranjestad



Diamars mainta a drenta informe di cu e mesun adicto ambulante di fam H. a bolbe presenta na e bushalte chikito dilanti Doña Clara na Wihelminastraat, mesora a dirigi un patruya na e sitio. Na yegada di e patruya a bin compronde cu e adicto ambulante ya a bandona e sitio caba. Polis a sali busca den e area pa wak si nan ta encontra cun'e pero no a logra hay'e.



Minister Rocco Tjon: TA FELICITA CUERPO POLICIAL DI ARUBA CU E TREMENDO RESULTADO DI E CONTROL PREVENTIVO DEN FIN DI SIMAN RIBA NOS CARETERANAN



ORANJESTAD - Den fin di siman, hopi ta esnan cu por a tuma nota di un batayon di Agentenan Policial riba diferente puntonan strategico riba nos careteranan. Ta asina cu a tene un accion preventivo pa asina conduci un buskeda pa cualkier auto sospechoso pa entre otro coremento bou di influencia, armanan illicito, of core auto sin documentonan oficial. Minister di Husticia y Asuntonan Social Rocco Tjon a ricibi e rapport di e resultadonan, y ta felicita henter e ekipo di Cuerpo Policial di Aruba cu a haci un tremendo trabou, mantenendo orden riba nos careteranan.

Den fin di siman, especificamente dianan 5, 6 y 7 di Augustus a haci diferente tipo di control riba nos careteranan. 40 Agente Policial extra a wordo poni na puntonan strategico riba nos isla pa asina conduci un control extenso riba nos careteranan. A base di e rapport por deduci cu a haci un total di 129 control, a para 119 auto, di cual a conduci un control por completo di 26 auto. Banda di esaki a detene 46 persona, a nota 50 proceso verbal, a sera un localidad, 14 auto a bay in bewaring y in beslaggenomen, tambe a confisca un arma blanco y un arma di candela.

E accion aki ta cay como parti di e maneho den cuadro di "Iron Eagle", cual pa un tempo defini, Cuerpo Policial lo ta mucho mas visibel riba caya. Manera a presencia den fin di siman, comunidad por spera cu lo bay tin mucho mas control y lo haci uzo di tur posibilidad cu ley ta brinda, manera entre otro "preventief fouilleren" pa por ehecuta cierto controlnan extra ordinario. Banda di esaki a aumenta control riba vehiculonan y establecimentonan, pues e ta importante pa tin tur papel na ordo, pasobra esaki lo bay wordo controla.

Por ultimo, minister Tjon

ta felicita henter e ekipo di Cuerpo Policial di Aruba pa e tremendo ehecucion. Lo sigui boga pa e recursionan necesario pa asina eleva e siguridad pa nos Agentenan Policial, kende ta riesga nan mes tur dia pa mantene orden y siguridad riba nos isla. Asina por wak bek na algun re-

curso cu ya a wordo adkiri manera, camara di siguridad na tur warda di polis y dentro di poco lo adkiri e "bullet proof" vestnan. Asina por conclui cu lo tin mas proyectonan na caminda pa mehora e calidad y servicio pa cu Cuerpo Policial di Aruba.

HOTLINE



744-0444

CAPT'E
Y MAND'E

2 Persona indocumenta deteni coriendo den un Nissan March sin seatbelts bisti

Diamars mainta durante patruya polisnan atento di distrito 1 a nota un Nissan March coriendo sospechoso y sin seatbelts

bisti den Caya G.F. "Betico" Croes, mesora polis a duna e chauffeur señal pa para. Ora polis a bay controla nan nan a purba huy

pa polis pero polis a logra gara tur 2 y a detene nan. Ningun di 2 por a musta ningun documento cu nan lo ta legalmente na Aruba.



Polis ta captura 3 sospechoso di ladronicia di airco grandi for di un cas banda di Arashi



Diamars madruga a drenta di cu lo tin hende ta hortando un airco di un cas banda di Arashi, me-

sora a dirigi patruyanan na e sitio.

Na yegada di e patruya nan a para e Suzuki Alto shinishi A49275 cu un airco grandi riba e dak di e auto y 3 persona den dje. Mesora polis a detene nan comonsospechoso di ladronicia di e airco grandi for di un cas net ey nan mes. Polis a pidi pa e vehiculo di transporte y a hiba esakinan pa warda di polis mientras a confisca e auto cu e airco pa mas investigacion.





 **The Florin Card**

**Un creacion
unico y cu nos
cliente local
den mente.**

Introduciendo e facilidad di credito cu
pagonan confortabel y cu ta recompensa'bo
sin tur e gastonan adicional.



E tarheta cu ta brinda un
facilidad di credito na florin,
cu ta recompensa'bo y
yuda'bo logra mas!




- Recibi **1% Cash Back** pa cada compra
- Disfruta di mas recompensa, beneficio y siguridad cu abo merece.
- Tuma miho control di gasto, cu pago mensual na bo favor.
- Cero gasto di cambio di moneda y transaccion.

PA TEMPO LIMITA
**Miembrecia
GRATIS**
pa prome aña*



 **Aplica awe mes!**

*Pa un tempo limita

cmbnv.com |   

Parlamentario Alvin Molina (MEP):

Exito na Ramon Arnhem



ORANJESTAD: Otro siman Cuerpo Policial di Aruba lo conoce su hefe nobo. Di un banda ta un lastima cu atrobe a haya necesario pa busca un hende di afo pa lidera KPA. Dimes cu nos lo desea pa tin nos hendenan local na timon di nos departamen-

tonan gubernamental. Pa un of otro motibo e 'selectiecommissie' cu tabata encarga pa busca nos siguiente altocomisario no a logra haya e persona capacita na Aruba mes. Di otro banda esaki ta un oportunidad pa reenforza e scarsedad na lider cu tin

den top di KPA. Pa 3 aña Hulanda lo aporta cu un 'korpschef' y algun miembro di staf. Sigur algo positivo cu e landspakket ta

provee.

Loke ta mas cu claro ta cu KPA tin mester di un mando policial fuerte pa yuda nos cuerpo progresa, pa evita cu e barco cu ya caba ta rand rand di awa desaparece por completo. Danki Dios, nos ta bendiciona cu polisnan y cu 'burgerpersoneel' cu te ainda tin e pasion pa nan trabou y e gana di sirbi pueblo di Aruba. Te ainda nos por gosa di un bida relativamente safe y nos por mercadea Aruba como un destinacion sigur pa nos turistanan. Pero nos no mester tuma e seguridad ey 'for granted'. E ta algo hopi debil y como pais nos ta ripara cu lastimamente tin hopi cos ta pasando cu nos no por acepta. Pa por recupera e sentimento di

seguridad, ta sumamente importante pa keda inverti den comunidad en general pero sigur tambe den nos departamentonan cu ta percura pa e seguridad. Rmon Arnhem tin su educacion y su experiencia como hefe di polis na Hulanda. E no conoce nos organisacionnan tampoco nos cultura cu sigur lo trece su retonan pe. Esaki por significa si cu e tin un bista imparcial y limpi cu por yud'e mira e 'bigger picture' y formula un vision 'out of the box'. Sigur mi lo invit'e pronto pa e presenta su vision na Parlamento di Aruba. Nan kieren e parce e actor Idris Elba. Wel, si e bira mesun exitoso cu su dubbelganger, sigur nos lo por gradici'e pa su 'input' aki 3 aña.

RESUMEN SEMANAL DI CASONAN DI COVID NA ARUBA

**Pa abona na
SOLO DI PUEBLO**

**Yama
585 9500**
of manda nos un
e-mail na
solodipueblo@gmail.com

Entrega tur dia te den
bo port'i cas



Casonan di Corona Virus, Vacunacion y Hospitalisacion na Aruba pa e siman di: 31 di Juli - 6 di Augustus 2022			
6/8/2022	TOTAL	RESIDENTE	NO-RESIDENTE
Activo	121	119	2
Recupera	201	198	3
Caso Positivo Nobo	189	187	2
Morto	0	0	0
Vacuna	5	-	-

Minister Glenbert Croes:

AUMENTO DI AWA Y CORIENTE LO TA TEMPORAL MIENTRAS LO SIGUI TRAHA RIBA REDUCCION DI FUEL OIL Y AMPLIACION DI ENERGIA RENOBABEL



9 di December 2021 nos a dal un otro paso unda Aruba ta etalandu su mes den region Caribense como e prome pais cu pa 2024 lo ta operando a base di energia limpi na caminda pa cumpli cu e tratado di Paris pa 2050.

VISION DI MINISTER DI ENERGIA Y GABINETE WEVER CROES 2: E maneho riba tereno di energia ta enfoca riba durabilidad, sostenibilidad, accesibilidad y calidad.

Energia pagabel, sostenibel, duradero y limpi pa compania- y hogarnan na Aruba.

Reduccion di emision di CO² cu 45% na aña 2030 pa un medio ambiente sostenibel pa cumpli cu e meta di Nacionnan Uni pa combati efectonan di calentamiento global cu 1.5° C.

Logra cumpli cu e tratado di Paris pa aña 2050 unda Aruba tambe ta contribui na un medio ambiente sostenibel “carbon neutral”.

Cu e mehoracion di eficiencia den nos companianan di utilidad cu proyectonan manera RECIP4/SWRO3, lo logra reduci uzo di combustibile

(HFO) pa produccion di electricidad di 3.679 Bbl/dia, na mas o menos 2.800 Bbl/dia. Y despues di logra un transicion di mas o menos 50% pa en-

ergia renobabel, reduci e uzo di combustibile ainda mas te cu menos di 2.000Bbl/dia pa 2030.

Aumento di energia so-

lar y di biento di 20% na 2020 pa 35% pa 2024 cu un minimo di 50% pa 2030.

Aumento uzo di verhiculon electrico pa 15% na

2030.

Aumento eficiencia di energia den residencianan y companianan cu 15% na 2030.

Career Opportunities

Caribbean Mercantile Bank N.V., a member of the Maduro & Curriel's Group of banks, to accommodate growth and to provide better service to our existing customers, is taking applications for the position of:

MANAGER – EXECUTIVE SUPPORT

The Manager Executive Support provides strategic/operational and administrative support and guidance for the overall management of the Caribbean Mercantile Bank in the delivery of corporate objectives. Project Implementation Support, coordinating and controlling the delivery of quality, cost-effective operational support and solutions to the Caribbean Mercantile Bank. The incumbent is the manager for providing insight into strategic corporate objectives and guidance to units/department heads towards strategy. The incumbent is responsible for ensuring that the support services providers consistently meet the agreed service standards. The Manager Executive Support provides counsel and support to the areas of strategy, IT, innovative solutions to operational processes and workflow and ensures implementation of corrective actions where needed.

The Manager Executive Support assists the General Managing Director and the Managing Director (or Sr. Management Team) in developing and implementing high-level business strategies and is accountable for reviewing business opportunities and strategies for the achievement of corporate objectives and assisting in the timing and implementation support of projects.

The Manager – Executive Support functions as the alternate representative on committees or local working groups as required and is responsible for assisting units/department heads in enabling their business lines to concentrate and deliver upon their core business and by transitioning non-core functions to support groups or service providers where appropriate.

Professional requirements:

- Master's or Bachelor's degree in Business Operations Management/Engineering or equivalent work experience.
- Minimum five years of Business Operations, IT Expertise, and Leadership Support experience.


Candidate Profile:

- Expert communication skills, including fluency in English, Spanish, Dutch & Papiamentu in writing and speech.
- Strong interpersonal and the ability to build and leverage strategic working relationships.
- Strong Business Operations, financial and business acumen.
- Strong customer service and time management skills in order to satisfy the needs of a large client group.
- Strategic planning skills and proven ability to develop successful Business Operations Strategies and action plans.
- Expert PC skills using common software tools to access and communicate within the Bank (Word, Outlook, Excel, PowerPoint).
- Maintains a high degree of integrity and professionalism.

Caribbean Mercantile Bank NV offers a challenging and productive work environment where teamwork and a positive attitude are vital, a workplace with growth possibilities, and an excellent remuneration package that rewards dedication.

Interested applicants can submit their cover letter and resume accompanied by any other document that might be deemed important to the Human Resources Department at: hr@cmbnv.com no later than August 11, 2022.

No tin lucha sin sacrificio y no tin sacrificio sin gloria: Tabata danki na e accionnan di Augustus Scur cu Hulanda a habri porta pa scucha e deseo di e pueblo Arubano



E luna aki, esta augustus 2022 nos ta recorda cu 45 aña pasa nos pueblo a lanta para pa defende cu alma y curpa su autonomia. Historia ta mustra cu den e eleccion di Staten di dia 17 di juni 1977 MEP a gana den forma aplastante obteniendo 5 di e 8 asientonan. Cu e victoria aki e pueblo Arubano a ratifica e mandato na MEP pa sigui cu e lucha pa libertad di e pueblo. Despues di e victoria aki ningun hende na Aruba por a imagina loke ta bay sosode. E formador di Gobierno Central, sr. Boy Rozendal a maniobra di tal forma pa laga e partido mayoritario MEP for di gobierno, esta sin respeta e decision di e electorado Arubano.

Escalacion di accionnan

Pueblo mirando cu un partido minoritario di Aruba a drenta gobierno Antiano lagando MEP afo, a dicidi bao guia di Betico Croes hunto cu Gobierno Insular y gremionan pa lanta, protesta y pa respeta e electorado Arubano. "MEP ta un partido di principio y prestigio cu no ta bay mendiga pa drenta gobierno. Entrante dialuna accionnan lo cuminsa. Lo bay tin escalacion di e accionnan, cual lo por desemboca den un independencia total di Aruba", tabata palabranan fuerte y decidido di nos Libertador e tempo ey.

Dos sindicalista encarcela

Riba un dia manera awe 10 augustus, 45 aña pasa, dos sindicalista, esta Presidente di IOWUA, sr. Chinto Geerman (dfm) y sr. Juan Yarzagaray (dfm) a ser encarcela pa motibo di un pamfleta cu nan a

emiti dia 9 di augustus 1977. Den un reunion urgente cu a ser teni e anochi ey na Centro di Bario Noord, a dicidi cu lo bay Warda di Polis na Playa pa exige libertad di e dos sindicalistanan aki. Hendenan tabata furioso y tabata tira piedra riba e polisnan. Despues a bay protesta dilanti cas di Oficier van Justitie Arps. Durante e anochi ey a sigui reunionnan maratonico entre sr. Betico Croes, e lidernan sindical y sr. Arps na Bestuurskantoor. Pero esey no a duna ningun resultado.

Aruba den scuridad total

Su dia siguiente, 11 augustus 1977 e sindicatonan den gran mayoria a proclama un welga general caminda a pone trabao abao, a subi caya y unda e sindicato di WEB tambe a notifica gobierno cu lo bay kita coriente y consecuentemente esey a trece problema pa suministro di awa. E welga general a isola nos isla, ya cu e comunicacion via telex a paralisa y e avionnan di ALM tampoco por a baha na Aruba. Henter nos comunidad a keda den scuridad total. Mas laat den anochi a baha un avion yena cu Riot Comando for di Corsou bao guia di Castillejo Cova cu a bin marcha den cayan an di Oranjestad. E tension a sigui crece y pa diano largo Aruba tabata paralisa. Durante e protestan dilanti Bestuurskantoor balanan cayente a cay, a tira riba e jeep di Betico y tambe varios persona a wordo herida y e mesun anochi ey polis a destrui un auto cu dos ciudadano aden banda di Wilhelminastadion. Den tur e acontecimentonan aki e mayornan di Betico Croes a ser humilia, su primo y diferente otro personanan a ser herida y diferente lider di bario a ser persigui.

Delegacion pa Hulanda

Sin embargo e gran mayoria di pueblo no a sucumbi pa tur e intimidacionnan aki y den forma decidido a sigui lucha pa diano largo. Locual cu a sigui despues ta cu sindicatonan hunto cu politiconan a dicidi cu a base di articulo 26 di Eilandenregeling lo manda un delegacion Hulanda.

Dia 19 augustus 1977 gobierno a ricibi un telegram di Prome Min-



ister Joop den Uyl confirmando e hecho cu gobierno Hulandes oficialmente lo ricibi un delegacion Arubano. E delegacion encabesa pa Betico Croes a viaha riba e dianan 3 y 4 september 1977 caminda a delibera riba e futuro estatal di Aruba cu representantenan di gobierno Hulandes, partidonan politico, sindicatonan y organisacionnan di dunador di trabao.

Tabata danki na e accionnan aki

awe Aruba ta gosa di su Status Aparte, esta un pais autonomo den Reino Hulandes cu su propio gobierno, parlamento, gobernador, Banco Central etc.

Ta p'esey, laga e diano aki ta dianan di reflexion pa un y tur realisa cu nos libertad, nos Status Aparte no a cay for di cielo, pero cu esaki a ser logra a base di sanger, sodor y lagrima bao liderazgo di e lider indiscutibel Arubano, Betico Croes.

Manehador di quad racer bao influencia a bay hop bay otro banda di caminda dal frontal riba auto contrario y bolter




Diadomingo madruga a drenta informe di un accidente cu hende herida riba Driemasterstraat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e manehador di e quad racer kende tabata bao influencia y tabata hop bayendo nort den Driemasterstraat

pero a bay banda robes di caminda y a bay dal frontal riba auto di direccion contrario.

E chauffeur di e auto a declara na nos cu hasta ela purba kita pa evita e impacto pero esaki tabata inevitable.

Na yegada di e ambulans nan a atende e victima y a transporte pa hospital.



HOTLINE



744-0444

CAPT'E
Y MAND'E



12:35 PM

Di Pueblo

Dia di plantacion na Hilton Aruba Caribbean Resort & Casino



no a organisa un celebracion di plantacion, un dia di aprecio na unda departamentonan a intercambia diferente planta y tarhetanan cu mensahenan pa otro. E iniciativa aki a trece alegria y entusiasmo na pia di trabao mirando tambe cu mayoria miembro di team ta hardinero den nan curason.

E departamento di ingenieria a inicia e actividad por medio di premia un mata na Food & Beverage kende despues a haci e mesun cos pa Front Office, kende na su turno a haci mesun cos pa departamento di cushina. Cada departamento a sigui cu e cadena di comparti, reflehando un simbolo di crecimiento y bida na henter e resort for di Purchasing & Accounting te na Security, Commercial, Housekeeping, Recreation, Spa, Executive office, terminando na Engineering, asina completando henter e circulo di comparti cu otro.

Mientras cu no ta tur hende ta bendiciona di por tin e 'green thumb' pues di por maneha cu matanan, amantenan di mata tabata super contento cu e intercambio di regalo aki, cu un aprecio grandi na e gratitud expresa na cada departamento agregando luz y un ambiente caluroso na cada area.

Departamento di ingenieria a remarca cu plantanan cu ta facil pa cuida a wordo selecta, y mirando cu tur departamento a wordo inclui, ningun hende tabata tin envidia!



PALM BEACH – Recientemente e Blue Energy Com-

mittee na Hilton Aruba Caribbean Resort & Casino



Minister Geoffrey Wever: Cumpra Local pa stimula nos empresanan local



Minister di Asunto Económico, Comunicacion y Desaroyo Sostenibel, mr. Geoffrey Wever ta contento di por aporta na e campaña di Cumpra Local, organisa pa DEACI su division di IDEA (Iniciativa pa Desaroyo di Empresa Arubano).

No ta prome biaha cu IDEA ta bin cu un iniciativa asina. E meta ta pa sostene empresanan local den cualkier forma posibel – den e caso aki cu promocion – asina dunando un empuhe na Aruba su economia di empresanan chikito y mediano.

Den e temporada aki a enfoca riba empresanan cu ta conoci pa tin produccion di “back to school”,

cual por mira via Cumpra Local su facebook page y demas medionan di comunicacion.

E oportunidad ta keda habri pa cualkier empresa registra, por tuma contacto cu DEACI su division di IDEA, pa asina mira con abo tambe por forma parti di e campaña di Cumpra Local.

Un apelacion ta bai na comunidad henter, pa e temporada di back to school, pa considera cumprando local y asina aporta directamente na empleo local y brinda empuhe y sosten na Aruba su economia. “Nos ta compromete pa stimula, motiva y defende e interesnan di nos empresarionan local”, minister Wever.

TIN FRUTA Y BERDURA



Macuarima 54, pariba di Stadion di Croes Angela
(ex winston)

Luna di Salud na La Cabana Beach Resort & Casino



EAGLE BEACH – La Cabana Beach Resort & Casino a lansa nan 100 Days To Celebrate U, un serie di actividad y festividad diseña pa expresa aprecio di curason na su empleadonan. Den cuadro cu esaki, TLC Committee a anuncia un Luna di Salud cu meta pa encurasha empleadonan pa haci cambionan y brinda informacion amplio riba escogencianan mas saludabel, e beneficianan di tin un estilo di bida mas saludabel y tambe importancia riba salud mental.

Luna di Salud a inicia cu un presentacion por medio di e resort su Health Club Attendant y Personal Trainer, Naisa Nurse. Naisa a duna un presentacion hopi informativo mes riba cumindanan saludabel y con nan ta beneficia ambos bo curpa y mente. E charla a tuma lugar den e conference room y tabata bon ricibi cu presencia di hopi hende.

E siguiente siman, facilitador Sofie Slegers di Qi-Gong Aruba a conduci un les di Chair Yoga pa enfoca riba diferente tecnica pa relaha bo mente, pa respira rosea di energia positivo, Ch'I, y pa elimina energianan negativo. Slegers ta

enfoca riba e Heart Meridien, y con bo ta influencia e manera cu nos ta sinti fisicamente den un forma positivo.

Den e siguiente simannan, psicologo Dimitri Halley lo host un lectura, Clementine Eugene lo conduci un tayer di mindfulness y Dwayne Wever lo conclui e luna cu un les di Zumba den e parkinglot di e empleadonan.

Health Week ta wordo organisa na La Cabana Beach Resort & Casino un of dos bes pa aña, den diferente formato, pero na 2022 e resort su Green, Health & Safety Committee a dicidi pa haci esaki un programa pa henter un luna largo, cu enfasis riba loke ta asuntan relevante y contemporaneo.

E empleadonan na La Cabana Beach Resort & Casino ta di acuerdo cu felicidad ta cuminsa cu bon salud.





Polis a bay na un adres na Bubali pa un caso di maltrato

Diadomingo mainta tempran a drenta informe di un caso di maltrato na un adres na Bubali, mesora a dirigi un patruya na e sitio.

Na yegada di e patruya a bin compronde cu aki ta trata di un caso di maltrato unda cu na nan yegada ya no tin nada mas y cu tur cos ta regla y no mester di polis mas.


Polis a tuma nan nomber y a sigui cu nan patruya.




Polis a detene 2 chauffeur burachi despues di cu nan accidenta riba otro

Diadomingo madrug a drenta informe di un accidente na Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di e Kia Rio ta bira na man robes net ora e pickup ya pasando e. Polis a nota cu ambos chauffeur ta burachi y a laga test ambos y tur 2 tabata burachi y a detene ambos. Afortunadamente ningun hende a resulta herida.



Varios detencion pa motibo di bringamento pafor di ring durante evento di M.M.A.



Despues di cu e evento tabata canando hopi bon diasabra anochi despues di mey anochi a start un bringamento pafor di e ring y polis a haya nan mes ta detene algun persona cu tabata haci problema y a bringa, mesora a detene nan y a hiba nan warda di polis.





E cuater miho shampooonan casero pa caba cu caspa

Cuanto hende ta sufri di caspa y no ta logra caba cun'e, apesar di a usa diferente producto! Na prome luga, ta fundamental ta berigua ki tipo di caspa nos tin.

A partir di e momento ey, nos por usa un di e shampooonan natural cu nos ta usa. Descubri den e articulo aki e 5 miho shampooonan casero pa pone fin na caspa.

Na e mesun momento, nos ta logra haya un cabey bunita, fuerte y sano. Laga nos purba!



Ki tipo di caspa nos tin? Nos ta referi na e caspa ora cu nos ta observa puntonan chikito blanco den nos cuero di cabes. E por causa grawatashi of miho bisa, un aspecto sushi na nos cabey y ademas, nos ta supone un importante problema estetico.

Ta motibonan suficiente pa busc un solucion. No obstante, nos mester observa con pa berigua ki tipo di caspa e ta:

- Si e tin un aspecto seco y por causapicamento. Ta puntonan blanco cu ta keda riba e kraag di nos paña, ta trata di un caspa door di descamacion. Nos cuero di cabes mester di hidratacion.
- Si e tin un aspecto vet y geel y ora nos mishi e cuero di cabes nos ta sinti e textura oleoso, ta trata di caspa door di dermatitis seborreica. Nos cuero di cabes mester di ekilibra e vet y combati e fungus caracteristico di e caspa.

Si e caspa ta algo puntual, nos mester descarta cu e tin algo di haber cu un shampoo nobo cu nos ta usa, algun deficit

nutricional of un labado escaso of excesivo di e cabey. E contaminacion di otro factornan ambiental tambe por influi.

Shampoo basico casero
Si nos kier un opcion natural pa combati e caspa, nos por opta pa un shampoo specifico liber di sulfato y parabeno. Tambe nos por añadi un azeta esencial na nos shampoo natural.

Nos ta recomenta realiza nos propio shampoo casero cu ingredientenan natural y añadi na nan despues algun di e azetanan esencial anticaspas cu nos propone segun nos tipo di cabey. A continuacion nos ta comparti e receta basico.

Ingrediente

Pa prepara e shampoo casero nos mester di e siguiente ingredientenan:

- 1/2 cup di gel di aloe vera (125ml)
- Un cup di glicerina likido natural (250ml)
- 1 cup di juice di lamunchi (15ml)
- 1/2 cuchara di azeta di coco (8ml)
- 15 gota di azeta



esencial anticaspas eligi.

Elaboracion

- Pa elabora e shampoo casero aki, solamente nos mester mescla tur e ingredientenan den un boter y sacudi'e bon. Semper nos mester bolbe sacudi'e prome cu use.
- Si e azeta di coco ta solido, nos por pone na baño di Maria te ora cu e dirti. E ora e lo ta cla pa mescla cu e resto di e ingredientenan.

Ki azeta esencial mi ta añadi?

Tur azeta esencial cu nos propone a continuacion, ta yuda nos combati caspa. No obstante,

cada un di nan ta aporta propiedadnan diferente cu nos mester eligi den funcion di nos tipo di cabey.

E azetanan esencial mester ta semper puro. Riba su label nos mester haya e nomber na Latin. En caso contrario, ta posibel cu e esencianan ta sintetico sin ningun propiedad pa elimina e caspa.

1. Tea tree

Tea tree ta un di e azetanan mas popular pa combati tur tipo di infeccion. Den e caso di caspa, en especial si e ta vet, e sa ta relaciona cu un fungus. Pa e motibo aki, e ta un azeta hopi efectivo pa elimin'e.

Su holo ta un poco fuerte,

pa cual nos ta recomenda meskl'e cu algun di e siguiente azetanan mas aromatico. Nos mester evita su contacto directo cu e wowonan.

2. Menta

Menta ta ideal pa tur tipo di caspa, pero en especial pa esun cu ta caracteriza pa un exceso di vet. Ademas, e ta proporciona frescor y ta aliva e picamento.

E azeta aki tambe ta un bon remedi pa stimula e cuero di cabes y preveni caida.

Por lo tanto, por ta un shampoo hopi adecuado pa tur.

3. Lavander

E lavander ta e azeta esencial pa tur, danki na tur su multiple propiedadnan. E ta antiseptico y calmante y ademas e ta destaca pa su delicioso y relajante aroma. E ta ideal pa e caspa seco y vet.

Ademas, e azeta no solamente tin e virtudnan medicinal, sino cu tambe tin e capacidad di potencia e efecto di otro azeta. Pa e motibo aki, nos por combin'e cu cualkier di e otro azetanan cu nos propone.

4. Citrico

Tur e azetanan citrico (lamunchi, apelsina, grapefruit, mandarin, lima) ta yuda nos regula e vet, combati e caspa di tipo vet y aporta hopi briyo na nos cabey.

Ademas, e azetanan esencial aki tin un delicioso holo y segun aromaterapia, ta contribui na mehora nos estado di animo. Di hecho, e ta destaca su propiedadnan antidepressivo.

Ex di un dama a presenta na Madiki Kavel pa haci fastioso y menasa esnan na e cas



Diasabra atardi a drenta informe di cu tin un persona a yega na e cas haci fastioso y kier kibra cos den e cura na Madiki Kavel, mesora a dirigi un patruya na e sitio.

Na yegada di e patruya a bin compronde cu e ex di un dama a presenta na e cas haci fastioso y menasa di maltrata esnan na e cas. E sospechoso mes a bandona e sitio caba.

Polis a conseha e dama cu e por bay entrega keho na recherche.



LEY CU TA LIMITA UZO DI PRODUCTIONAN DI
TABACO

PROTEHANDO SALUD PUBLICO

6 Ta prohibi pa vende of duna productionan di tabaco na personanan bou di 21 aña

DVG ARUBA LIBER DI TABACO **HALA ROSEA** LIBREMENTE

SIO

BRIYANDO FUERTE - TRECIENDO CLARIDAD

Di Pueblo



PRONOSTICO DI TEMPO VALIDO TE DIARANSON 10 DI AUGUSTUS 2022, 18:00 ORA

TEMPO:

AWE ANOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN
POSIBLE AWACERO PASAJERO

TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 35 PA 38 GRADO CELSIUS
UV INDEX: 12

BAHADA DI SOLO : 7:03 PM
SUBIDA DI SOLO : 6:27 AM.

BIENTO:

MODERA FOR DI GENERALMENTE DIRECCION OOST;
FORSA 3 TE 4 (12 TE 30 KM/ORA, 7 TE 16 NUDO).
DEN DIA BASTA FUERTE TE POSIBLEMENTE FUERTE DEN RAFAGA;
FORSA 5 TE 6 (40 TE 61 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
NA E MOMENTONAN AKI NO TIN DISTURBIO DI IMPORTACIA
PA WEER LOCAL. NIVELNAN DI HUMEDAD DEN REGION TA
ABOU Y ESAKI LO LIMITA YOBIDA. UN PROXIMO OLA
TROPICAL LO DRENTA PARTI OOST DI CARIBE LAAT
AWE NOCHI PA DIARANSON MAINTA.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE
NA PARTINAN ZUID: TRANKIL TE MODERA
NA PARTINAN OOST TE NOORDWEST DI COSTA:
GENERALMENTE MODERA

AVISO/ ALERTA:

TA PIDI OPERADORNAN DI BOTO CHIKITO PA BAI
CU CAUTELA NA PARTINAN OOST TE NOORDWEST
DI COSTA Y LAMA HABRI.

FENOMENONAN SPECIAL:
NINGUN

TEMPO TROPICAL SIGNIFICANTE:
NINGUN

POTENCIAL DI AWACERO PA PROXIMO 24 ORA:
1 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 32 / MIN 27 / 0.0 MM
WESTPUNT: MAX 33 / MIN 27 / 0.0 MM
STA ROSA: MAX 33 / MIN 27 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCION OOST I MODERA
TE BASTA FUERTE; FUERTE DEN RAFAGA;
TEMPERATURA (GRADO CELSIUS) MAX / MIN LO TA: 33 / 27

DEPARTAMENTO METEOROLOGICO ARUBA DIAMARS 09 DI AUGUSTUS 2022 17:00 (21:00 UTC)

(2022 Siman 8 Augustus 2022)

SABIDURIA DEN NOS ALEGRIA

Skirbi pa Ruthy “Lady Ruth” Vrieswijk-Bergen

Un bon dia yen di sabiduria den nos alegria! Un otro dushi fin di siman ta tray lomba, hopi a bay laman y hopi a relaha di un otro siman di trabao. Lady Ruth a bay bishita e expo di 50 anja di existencia di Checkpoint Color di Rob Vermeer y nos a keda impresiona cu asina hopi potret bunita cu Rob a saca. Nos mes tin 3 potret, di mi cu mi casa Johan, saca pa Rob Vermeer mas di 45 anja pasa, saca den naturalesa e tempo ey di Barcadera. Nos no tawata casa ainda, pero como pareha hoben enamora a contracta Rob pa a bay cu nos na un bunita lugar ariba nos dushi isla pa saca algun potret. Nos tin nan den lijsje colga den nos cas. Hasta nos a laga e yui homber di Rob, Fernando, saca nan di nobo for di e 3 potretnan biuew y “touch nan up” pa nos no perde e bunita recuerdonan di amor aki. Nos no a logra bay e apertura oficial di e bunita exposicion di potret aki, pero a goza di wak hopi di nos dushi hendenan nan potret colga of heplak na e murayanan den e edificio di Checkpoint Color. E cara cu a sigui mi ora mi a sali for di Checkpoint Color tawata e cara di Betico Croes di felis memoria. Su expresionnan serio y unico saca riba e potretnan, ta manera e kier a bisa’mi algo, hahahahaha!.

Despues di a admira e exposicion tremendo aki, nos a bay bebe un dushi juice di tamarijn y come un sabroso frekedel na Djiespies Place y sinta un crenchi warda riba e tram pa dal un careichi den dje, bay abao y baha te dilanti La Moderna di e gentil caballero Benjie, bon amigo di pueblo, un hende homber elegante bon tipo, muestra hopi



bon pa su edad, fuerte y carinoso manera semper, manehando su negoshi di panja ketobay cu e mesun amor y passion di semper. Ken no conose Benjie? Hopi conosi pa su bon trato humilde cu amor y semper cu un of mas “joke” di comparti cu nos, pone nos hari te bai off.

Lady Ruth a bolbe compra bunita polo shirts pa su yu inan y tshirts di “Just call me dushi” pa su nietonan. Ach, ta asina dushi pa shop den La Moderna cu nan excelente servicio duna na tur hende! Tur e trahadornan tin pasenshi y ta atende’bo cu un sonrisa bunita. Contento cu e tram a complace algun otro turista y nos pa a para net dilanti La Moderna. Cu e solo bon cayente, e careichi den tram a baha dushi! Y e biaha aki e tram no tawata “tjokvol”, pero cu algun bankinan full bashi, por a sinta confortablemente. Despues di nos bishita na Benjie, nos a bay Penha busca un coi hole dushi pa Lady Ruth, un di su regalonan cu ela hanja for di su bon y bunita sister friend di tempo di nos



hubentud, lieve Bea, pa Lady Ruth su cumpleaños celebra recientemente na luna di juni ultimo. Danki lieve Bea! Nos a sigui ta “turista riba nos mes isla” y a drenta despues un rato den e edificio grandi di Mango y a probecha di nan baratillo cumprando algo leuk pa nos nieta Lexie. Nos a sigui cana bay abao den Havenstraat patras di Renaissance Mall y kier a drenta un lugar cu segun mi yama Riviera cu hopi propaganda pa “sale”, net un sra. ta bezig ta mopena e entrada di e lugar y a corre cu nos, ela grita casi, bisa nos no, no, no

por drenta awor, pero cu un stem no mucho agradabel. E ora nos a dicidi di drenta e lugar V.I.P. Souvenirs and Gifts y keda hopi contento cu e excelente servicio eyan tambe y a hanja un prijs special pa e serbete cu nos a compra. Lady Ruth cu un sombre bisti, turista riba su mes isla.

Cu su sombre y su bril di solo. Y cu un cancion di gradicimento na su curason pa e dushi dia regala na su persona, otro dia “One day at a time”. Shonnan, danki pa lesa nos relato di awe y danki

pa e bon comentarionan ricibi pa cu nos relato di siman pasa. Cuida curpa, “stay safe”, love you too!! Nos a hera lubida di menciona, con dushi nos a bolbe pasa, bayla y canta cu e tremendo banda musical “Back on Track” di e maestro drummer cantante Ito Stamper y friends den Cage Nite Club cu e dushi musica di “sixties and seventies” Diasabra ultimo den oranan di anochi. Danki Go Cultura pa corda riba nos “grandinan hoben di curason” cu nan movecion!!

Clasificados

AUTOS
 INMUEBLES
 ARTICULOS
 NEGOCIOS
 SERVICIOS
 EMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999

+ Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afi 400,00

Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez

5 PA DOÑONAN DI MASCOTA DURANTE MAL TEMPO

TIPS


1. Tinha un "hurricane safety plan" pa bo famia ta prepara y inclui bo mascotanan den dje. Kisa: nancabo lo haci uso di dje pero "better be safe than sorry". Deda e seasona di e seasonnan pa un "worst case scenario" y pensa pa por aheuts e plan aki na cualquier momento teniendo cuenta cu tur cos cu lo haci lo meyor ta facil y accesible pa por worta pa 2 siman, p.e:
2. Pensa pa bo mascota tin un caminda pa acorda pa awa
3. Pensa pa bo mascota tin un caminda cu e por sinte sigur si e haya stress di tempo cu stress
4. Pensa pa bo mascota ta vacunanan ta up to date pa nan ta bon proteta contra malesanan infelicioes cu por sangi especialmente ora awa yoba hopi
5. Pensa pa bo mascota tin un microchip. Clendel un banchi cu su detonan por yuda pero an caso a mascota perde e banchi aki, por trata e info bek via e microchip, contal cu bo info ta up to date

- Awa, euminda, algo pa pone awa y caminda den dje
- Cualquier remedi cu a mascota ta standard riba dje incluyendo su tratamiento contra carpa, pulga y liantuom (check fecha di expiration)
- Un pet carrier
- Un katebek cu su valling
- Saco di plastic pa pone nan coschi aden
- Extra leash
- Un coy lunga
- Buk di usura
- Skiera un potret di bo mascota

I ♥ PET

f Shima Mi Mascota

Monica Pimentel y su atletanan a yega for di Mexico



Monica Pimentel y rumannan Klaber hunto cu su atletanan di Impact Taekwondo a yega Aruba bek despues di 3 siman di training y Tope na Mexico. Durante e 3 siman nan na Mexico e atletanan a train dos biaha pa dia, manera cu nan ta train na Aruba. Na Mexico nan a train hunto cu e seleccion di Monterrey y tambe hunto cu e seleccion di Argentina.

Nan a participa dia 2 di juli na e Copa Pro Fighter y nan a bringa contra atletanan di Monterrey y Nuevo Leon Mexico y a logra gana 2 Oro y 3 Silver. E atletanan a train hunto cu e seleccion adulto di Argentina cu tambe a bay Mexico pa camp training pa nan prepara nan atletanan cu ta cumpliendo cu nan plan di 2022.

Monica Pimentel ta con-

tento di por a biaha cu 5 atleta pa Mexico. E camp training a aporta na e atletanan nan carera. Awor aki e atletanan ta keda Aruba pa un periodo pa sigui train y prepara pa representa Aruba na e proximo evento internacional cu ta un G ranking.

Presidente di Aruba Taekwondo Bond "ARTBO" Sr. Moises Fernandez ta gradici Monica Pimentel pa e esfuerso pa e Taekwondo di Aruba y tambe COA cu ta subsidia e rumannan Klaber cu ta e

pre seleccion di Aruba.













Monica Pimentel ta gradici tur e automobilistanan y mayornan cu a pone man na nan curason y a duna nan donacion y a haci posibel pa e atletanan por a bay Mexico pa participa na e camp training y participa den e evento representando Aruba na Mexico.

Sin ayudo na e manera aki ta bira dificil pa nan por representa Aruba, danki pa tur boso sosten.





SORTEO 19 JULI 2022 Anochi

		
Sorteo # 7708	Sorteo #	Joker Letter
1303	0 x Jackpot	Proximo Jackpot
5017	0 x Match 4+	525.000,-
4691	0 x Match 4	
	0 x Afl. 12,00	
FP		
		07-08-19-26-28
Sorteo # 6752		
6246		
	Sorteo # 5848	Proximo Jackpot
Sorteo # 1457	0 x Jackpot	88.000,-
7373	11 x Match 4	
	195 x Afl 8,00	
Sorteo # 5511		
9993		Mega Ball
Aquario		
		
Sorteo # 441		
476		
		
FP		
	Sorteo #	

Afl. 360.000,-

FORTALEZA PA FAMIA

Scirbi pa Pastor Marcel Balootje.

APRECIO Y GRATITUD TA TERAPIA DI DIOS



Aprecio ta algo bunita cu Dios ta pone den nos, pa nos por demostra un na otro.

Hopi biaha nos ta pensa cu nos forma di demostra aprecio, mester wordo demostra cu un regalo, pero no tin nada mas bunita cu expresion di un curason sincero,

Especialmente nos como mayor mester corda cu nos yui mester wordo aprecia, y nos ta prome persona yama pa haci esey.

Nos mester aprecia nos hobenan pasobra esey ta demostra amor, y tur hende kier ta den un cas caminda aprecio ta wordo demostra na nan.

E problematica di hoben ta bay rond henter mundo, pero abo como mayor mester duna aprecio na henter bo famia.

Hopi biaha nos ta busca ayudo di dokter y psicologo pa nos yiu, pero ta ta un simpel aprecio e mucha mester cu ta sali directamente for di curazon di su tata.

No lubida con Dios Tata a aprecia Hesus despues di e bautismo den riu Jordan, Mateo capitulo 3 ta bisa nos cu e Spirito Santo a baha manera un paloma y keda riba Hesus, y ata un bos for di

e cielonan, bisando esaki ta Mi Yiu stima den kende mi tin goso.

No tin nada mas bunita ora un mayor ta papia bon di su yiu, ora un mayor ta contento cu su yiu, pasobra kico cu pasa bo yiu ta keda bo yiu, e ta keda bo sanger, nunca e por wordo cambia, pasobra yuinan ta regalo di Dios.

Ningun regalo digital, tampoco piedra precioso no por reemplasa e amor y aprecio di un mayor.

Aprecio di Mayor ta habri cielo riba bida di su yiu, ta duna curashi, y yuda forma karakter, ta aumenta estabilidad den e mucha, pa e crece solido den boluntad di Dios.

Aprecio ta bini di Dios directamente for di cielo, pasobra e diabel no tin aprecio, tur locual e por causa ta desprecio, pasobra ora un hoben cay den su man, e tin hopi chens di despresia su propio bida (Juan 10:10)

Hopi biaha bo ta haña cu muchanan ta busca amistad di hende grandi pasobra nan kier

siniti nan mes aprecia, y na cas den un bida di violencia domestico, infidelidad y inmoralidad, nan no ta ricibi esey.

Aki nos por mira kico ta e balor di Aprecio den Famia.

Mas cu tur cos nos mester ta agradecido na Dios pa tur locual cu E a haci pa nos.

Nos curazon mester ta yena cu gratitud na nos Dios, pa asina nos por expresa gratitud na nos famia, y pa asina un por sostene otro

Duna gradicimento na Señor, pasobra E ta bon, pasobra Su misericordia ta pa semper.

Laga e pas di Cristo goberna den boso bida, tur locual boso haci, haci boso trabao di curason como pa Señor y no pa hende. Sabiendo cu ta for di Señor boso lo ricibi e recompensa di e herencia. Ta Señor Cristo Hesus ta Esun cu boso ta sirbi. (Colosenses 3:23+24)

Gratitud na Dios ta demostra crecimiento, madures Spiritual, pasobra nos ta realisa

cu Dios ta doño di tur cos, y den tur cos e ta misericordioso, E ta libera, y ta duna oportunidad pa cuminsa di nobo, pasobra E ta perdona tur pica y ta duna bida nobo, cambia nos curason, pa asina nos por gosa di e plenitud di bida.

Laga tur hende realisa cu Aprecio y Gratitud ta un forma di biba cu ta bini solamente di Dios, cu nos mester expresa.

Sinceramente, Pastor Marcel Balootje.



Un feliz dia y cu Dios drama Su bendicion na abun- dancia riba boso

"Si un hende sirbi Mi, Tata lo honr'e."
(Huan 12, 26)

Ruman, Dios ta yama nos pa nos sigui'E.
Ta un invitacion cu Hesus a
haci nos pa asina nos sea un generacion
di siguido fiel cu ta stim'E
mas cu tur cos y nos prohimos manera
nos ta stima nos mes. Siguiendo
Hesus Su palabranan ta santo y ta base
pa un mundo di paz y amor. Si
nos mira rond di nos, nos ta realisa cu-
anto guera y miseria tin den
mundo pa motibo di e falta di amor pa
sigui Su palabranan. P'esey,
ruman, laga nos cana hunto y sigui'E cu
amor y fieldad.

Oracion: Señor Hesus, haci mi curason
pareu na Bo curason. Amen

Oracion di dia

Un dia fructifero carga cu bendicion, amor, legria y felicidad di Señor

Ma un otro parti di e simia a cay den bon tera y duna fruta, Algun
mata a duna shen be, otro sesenta y algun otro a duna trenta be mas
tanto fruta cu loke a sembra. (Mateo 13:8)

Rumannan laga nos puntra nos mes francamente, si en berdad nos ta
un bon tera,

caminda e mensahe di legria por tira rais y produci hopi fruta.

Dilanti di Iglesia, cu a reuni rond di djE, Cristo ta combida cada
cristian pa puntra su mes kico el a haci cu e Palabra di Dios cu el a
tende? E ta combida Iglesia tambe pa e tin confiansa den Su mision.
Pasobra e Palabra di Dios, pa e carga fruta mester keda sembra den un
tera muha pa Spirito y libra di sumpiña di pica. Cristo riba cruz a
vence morto y a duna Su Spirito.

Anto awendia Iglesia por anuncia Evangelio di Cristo resucita como cu
Iglesia sa cu lo tin hopi fruta, e scuchado mester ta bon tera cu ta
duna fruta despues di sembra. Importante di e Palabra di Dios ta cu
nos mester busk'e di henter nos curason pasobra e ta duna su bida. Si
mi ricibi e Palabra di Dios y guli'e, e palabra ta yena mi curason cu
felicidad y alegria, pasobra loke ta duna bida ta Spirito di Dios,
naturalesa humano no por yuda cu nada.

Oracion: Señor mi ta pidi Bo pa yuda mi habri mi curason pa ricibi Bo
Palabra
pa e cay den bon tera y produci hopi fruta, pa asina mi por comparti
Bo Palabra cu mi rumannan. Amen

VACUNA!

PROTEHA BO MES
PA NOS POR
PROGRESA.



TIENDA DI EDUCACION: INTELIGENCIA EMOCIONAL

Den mayoria ocacion ora ta papia di inteligencia di un persona ta trata di e parti intelectual of mihor conoci na Ingles pa IQ (Intelligence Qoutient). Tin otro formanan di inteligencia tambe cu no ta solamente e IQ. Un otro forma ta locual nos conoce pa inteligencia emocional of mihor conoci na Ingles pa EQ (Emotional Qoutient). Abo como mayor of educador sa si bo inteligencia emocional a desaroyo suficiente of bo lo por reconoce bo yiu su inteligencia emocional? Ta pesey ta hopi importante pa nos reflehá como mayor of educador na cual grado nos inteligencia emocional ta desaroya.

Desaroyo di inteligencia emocional cerca mayor Inteligencia emocional por wordo observa tur dia cerca muchanan di tur edad.

Tin biaha por wak un mucha of hoben ta muestra demasiado grandi den estatura of curpa compara cu otro muchanan di su mesun edad. Akinan mester para keto y reconoce cu aunke ta wak un mucha curpa grandi of di estatura halto no ta significa cu e mucha ta desaroya segun ta pensa. Tur persona y naturalmente tur mucha ta diferente. No por compara un mucha cu un otro. Cada persona tin un otro experiencia den bida. Ta pa e motibonan aki ta importante pa mayor reconoce e fase di desaroyo di e edad di e mucha of hoben pa asina por adapta e manera di comunica cu e menor. Pa duna algun ehempel pa mayor reconoce cerca su mes y pa despues por practica e conocimiento cerca e menor ta importante pa analisa e 5 elementonan di inteligencia emocional:

- Consciente di bo mes: siña conoce bo limite y tambe habilidadnan

- Consciente di por regula bo emocionnan:

por controla emocionan di rabia of frustracion

- Grado di motivacion: maneha e desafionan cu ta bin ora di obstaculo pa keda motiva

- Grado di empatia: habilidad di por sinti y tin consideracion pa cu otro nan

- Habilidadnan social: por socialisa cu otro nan di un forma aceptabel y cu respet

Educacion ta cuminsa na cas


Siña conoce bo mes. Pone den practica e 5 elementonan di inteligencia emocional pa despues bo por reconoce esun di bo yiu(nan). Corda cu den cada fase di un mucha su desaroyo tin desafionan. Si observa bo yiu(nan) constantemente lo ripara cambianan chikito den e inteligencia emocional. Ta consciente di tur locual ta papia y bisa den cercania y na un mucha tene cuenta cu su edad, sin lubida e parti emocional. Mayor y tambe educador tin un tarea importante pa cu

formacion di futuro generacion di hoben y adulto. Cuminsa for di chikito na cas ta practica. Educacion ta cuminsa na cas!

Tienda di Educacion Mayor y educador, bo no ta para pa e retonan aki boso. Ta tareanan cu por muestra dificil pero Tien-da di Educacion t'ey na disponibilidad di comunidad di Aruba pa duna e sosten y guia gratis. Por tuma contacto cu Tienda di Educacion na 161 cu ta disponibel di dialuna pa diabierna di 8 am pa 6 pm non-stop. Tambe por like nan Facebook page pa keda informa y tambe comunica tocante nan serviccionan. Tienda di Educacion ta situa den edificio di Centro pa Hoben y Famia, Sabana Blanco 68-C y ta na servicio di henter comunidad.

Nos muchanan ta nos futuro. Ban crea un futuro caminda muchanan por expresa nan emocion libremente sin miedo. Pa pregunta yama 161.

Nos muchanan ta nos futuro. Ban crea un futuro caminda muchanan por expresa nan emocion libremente sin miedo. Pa pregunta yama 161.



Pa abona na
SOLO DI PUEBLO

Yama

585 9500

of manda nos un

e-mail na

solodipueblo@gmail.com

Entrega tur dia te den
bo port'i cas



FORTALEZA PA FAMIA Scirbi pa Pastor Marcel Balootje

AREPENTI Y BUSCA YUDANSA DI DIOS

Ora cu constantemente bo ta pensa cu tur hende ta contra bo. Cu nada no ta bon pa bo. Cu bo tin hopi enemigo, y bo a wordo traiciona

Bo no ta confia ningun hende . Ken cu bin cerca bo ta bo placa nan kier. Den un palabra bo a cera bo mes pa tur hende y bo no kier tin contacto cu hende, bo kier ta bo so.

Bo tin hopi duele den bo curazon, deseo di destruccion ta riba bo curazon, bo no ta confia bo mayornan, ni tampoco bo esposa, of esposo, tur momento miedo y desesperacion ta ataca bo .

A yega e momento cu bo tin mester di yudansa di Dios. E yudansa di mas profesional cu ta existi, e yudansa milagroso y gratis cu hopi ta lubida riba dje, pero cu tey disponible tur momento 24/7 pa tur esnan cu ta kere den Señor.

Tur sintoma ariba menciona ta purba tur manera di kibra bo relacion cu hende, pa asina bo keda bo so pasobra ora hende ta nan so, nan ta hopi vulnerable pa mal influencia. Hopi biaha ora hende kier haci daño na nan mes curpa, nan ta busca tur manera pa nan ta nan so, pasobra esey ta locual e enemigo kier pa e persona ta su so pa asina e influencia di maldad por ta mas efectivo.

E yudansa di Dios ta cuminsa cu arrepentimento, y misericordia di Dios lo alcanza bo bida, esey ta obtenibel solamente serca Dios, pasobra asina bo pas ta bolbe bek den bo curazon, y asina bo ta cuminsa comunica bek cu bo hende nan di cas , y asina bo curazon ta los, pasobra door di arrepentimento Dios ta duna bo mente , alma y curazon sosiego.

Tin existi mas di mil sorto di calmante, pero ningun di nan por duna sosiego pa



e alma y e curazon.

Hesus ta bisa den Mateo capitulo 11 vers 28 : Bin serca Mi tur cu ta cansa y carga y lo mi duna bo sosiego.

Hesus ta tuma bo carga y e ta tire na laman pa asina nunca mas recorde.

Por ta bo ta pensa cu ta un wega, pero caminda tin arrepentimento, tin gozo y paz.

Cuanto no ta mara na pildora pa años mientras cu ora bo arrepenti y perdona , despues bishita bo dokter e mes lo mira un cambio den bo salud mental.

Mientras cu orguyo y arrogancia ta vitamina pa bo

salud mental, pasobra door di eseynan bo no kier arrepenti, ni tampoco perdona , bo ta keda para riba un no, mientras cu bo salud mental ta bay atras. Rabia, Odio , y falta di perdona , ta contra bo salud mental, y hasta ta oca-

ciona otro tipo di malesa, por ehempel subimento di presion, dolor di stoma constant, dolor di weso etc.

Pero cu un simpel arrepentimento, y pordon na bo prohimo, bo salud mental ta wordo alivia, y mas cu

tur cos awor bo tin paz cu Dios.

Ora nos arrepenti Dios ta fiel y husto pa perdona.

Pastor Marcel Balootje.

PUEBLO A HAÑA SU PEN BEK



**Pa kualkier informacion
solodipueblo@gmail.com
of
☎ 585-9500**


Hoben chauffeur a pega soño tras di stuur y a bay man robes kap tire na acera riba E.J. “Watty” Vos blvd.



Diadomingo madruga a drenta informe di un accidente riba W.V.B. yegando rotonde Cumana, mesora a dirigi un patruya na e sitio.

Na yegada di e patruya a bin compronde cu e hoben chauffeur di e Kia Cerato tabata cansa y a pega soño tras di stuur, bay banda robes di caminda y dal na e acera y kap e tire si e auto.

Afortunadamente ningun hende a resulta herida.






8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

Crossword Puzzle



Across

- 2. Innovation catalyst
- 6. First NASA administrator
- 7. First Russian satellite
- 9. Signer of National Aeronautics and Space Act of 1958
- 10. Agency before NASA

Down

- 1. NASA’s birthday: _____ 1, 1958
- 3. Focus of NACA
- 4. Unexpected discovery: Van Allen _____ Belts
- 5. First U.S. Satellite: _____-1
- 8. Home of NASA’s Johnson Space Center

CONFÍA EN LA ESPERA.
APRECIA LA INCERTIDUMBRE.
TE ESTÁS RECONOCIENDO
Y TOMA TIEMPO.
PRONTO SERÁS CAPAZ DE
VERTE CON NUEVOS OJOS Y
MÁS QUE NUNCA TIENES
EL PODER Y OPORTUNIDAD
DE REINVENTARTE.

PUEBLO A HAÑA SU
PEN BEK

Pa kualkier informacion
solodipueblo@gmail.com
of
☎ 585-9500